

Tinjauan: Jangkaan warga bagi kadar inflasi di S'pura terus berkurangan

JANGKAAN warga tempatan mengenai kadar inflasi di Singapura terus berkurangan disebabkan kededua faktor dalam dan luar negara, berdasarkan dapatan terkini Indeks Jangkaan Inflasi Singapura (SInDEx) Universiti Pengurusan Singapura (SMU).

Indeks itu jatuh kepada 3.05 peratus bagi setahun mendatang dalam tinjauan yang dijalankan pada Mac lalu, berbanding 3.52 peratus pada Disember tahun

lalu. Seramai 500 pengguna ditinjau.

Ia paras terendah sejak tiga setengah tahun lalu dari tarikh SInDEx dilancarkan pada September 2011.

Kadar inflasi jatuh disebabkan harga minyak peringkat sejagat susut dan diburukkan oleh pemulihan ekonomi sejagat yang tidak menentu.

Ia juga terjejas oleh ketidaktentuan kadar tukaran mata wang disebabkan keseimbangan kadar faedah Amerika me-

ningkat.

“Memberikan reaksi terhadap sekitaran sejagat, jangkaan inflasi setahun dan lima tahun menunjukkan kejatuhan suku tahunan paling besar walaupun dasar kewangan Singapura dilonggarkan tanpa dijangka pada Januari tahun ini,” ujar SMU semalam dalam satu kenyataan mengumumkan dapatan SInDEx itu.

Di samping itu, walaupun pasaran buruh diperketat dan kos peralihan yang

dialihkan kepada harga pengguna lebih tinggi, “warga Singapura berasa harga keseluruhan daripada inflasi import menjadi cukup sederhana” bagi menjangka kadar inflasi lebih rendah, tambah SMU.

Jangkaan warga tempatan mengenai inflasi utama, yang tidak mengambil kira kos pengangkutan swasta dan kos penginapan, juga jatuh kepada 3.44 peratus, berbanding 3.6 peratus pada Disember tahun lalu.